

Jalinan Khidmat Masyarakat Universiti Malaya dan SMK Labuan



Labuan, 12 Okt – Universiti Malaya dan SMK Labuan telah mengadakan Program Khidmat Jalinan Masyarakat pada 11 Oktober bertempat di SMK Labuan dan Dewan SK Pekan Satu.

Program yang diadakan di bawah Pusat Kecemerlangan Perniagaan, Fakulti Perniagaan & Perakaunan, Universiti Malaya yang menawarkan khidmat jalinan masyarakat mereka kepada beberapa sekolah di Malaysia.

Tawaran tersebut telah diterima baik oleh SMK Labuan memandangkan wujud keperluan untuk membantu pelajar khususnya yang berkaitan dengan kemahiran teknik menjawab Pengajian Perniagaan STPM dan Prinsip Perakaunan SPM.

Selain daripada itu, program bersama Universiti Malaya ini juga dimanfaatkan untuk memotivasi pelajar serta mendedahkan kepada pelajar tentang peluang untuk meneruskan pengajian di Universiti Malaya.

Antara objektif program, pelajar mengetahui teknik menjawab soalan peperiksaan yang menepati skema jawapan, memperolehi maklumat tentang kaedah ulangkaji yang berkesan, mendapat tips untuk menguasai dan memahami teknik yang sukar, meningkatkan keyakinan mereka untuk menjawab soalan, mendapat dorongan untuk berusaha meningkatkan gred keputusan sekaligus meningkatkan Gred Purata Sekolah (GPS) dalam keputusan peperiksaan.

Kemuncak program ini menjadi lebih bermakna kerana pihak Universiti Malaya dan SMK Labuan telah menandatangani Surat Hasrat (Letter of Intent) yang bakal mengangkat SMK Labuan sebagai ‘Feeder College’ kepada Universiti Malaya.



Encik Ismail (kanan) dan Dr Ahmad Zahiruddin (kiri) menandatangani Surat Hasrat

Kandungan Surat Hasrat PraUniversiti SMK Labuan dan Pusat Kecemerlangan Perniagaan, Fakulti Pernigaan dan Perakaunan, Universiti Malaya adalah seperti berikut :

PRAUNIVERSITI SMK LABUAN bersedia dan komited untuk membekalkan pelajar-pelajar dari aliran kemanusiaan dan sains yang berkualiti dan berkelayakan untuk mengikuti

pengajian di Fakulti Perniagaan & Perakaunan.

PUSAT KECEMERLANGAN PERNIAGAAN, FAKULTI PERNIAGAAN & PERAKAUNAN, UNIVERSITI MALAYA bersedia membimbing para pelajar PRAUNIVERSITI SMK LABUAN mencapai kecemerlangan dalam pelbagai aspek, dengan sasaran jangka panjang menjadikan PRAUNIVERSITI SMK LABUAN sebagai “Feeder College” utama yang berupaya menyumbang ramai calon siswa iaitu pelajar-pelajar lepasan Sijil Tinggi Peperiksaan Malaysia (STPM) melanjutkan pelajaran ke UNIVERSITI MALAYA, tertakluk kepada syarat-syarat dan peraturan universiti sedia ada.

PRAUNIVERSITI SMK LABUAN dan UNIVERSITI MALAYA melalui PUSAT KECEMERLANGAN PERNIAGAAN, FAKULTI PENGURUSAN PERNIAGAAN & PERAKAUNAN akan sentiasa bekerjasama, komited melalui program yang disusun untuk membantu melahirkan pelajar-pelajar yang berkualiti dalam bidang pengurusan perniagaan & perakaunan serta bidang berkaitan.

Pegawai Universiti Malaya yang hadir ialah Pengarah Pusat Kecemerlangan Perniagaan Fakulti Perniagaan dan Perakaunan, Dr Ahmad Zahiruddin Yahya dan Fellow, Pusat Kecemerlangan Perniagaan Fakulti Perniagaan dan Perakaunan, Dr Jumaat Abd Moen.

Sumber Berita : SMK Labuan

Murid SJK(C) Chi Wen Naib Johan Pertandingan Pidato Karnival Perpaduan SKK Peringkat Kebangsaan 2017



Labuan, 12 Okt – Adik Mac Frederon Feridlee dari sekolah SJK(C) Chi Wen telah muncul sebagai Naib Johan Pertandingan Pidato Karnival Perpaduan Sekolah-sekolah Kluster Kecemerlangan (SKK) Peringkat Kebangsaan 2017 bertempat di Biro Tatanegara (BTN) Kundasang Sabah yang berlangsung pada 9 hingga 11 Oktober.

Seramai 29 orang perserta daripada enam buah negeri di seluruh Malaysia telah menyertai pertandingan pidato ini yang bertujuan memberi ruang dan peluang kepada murid mengetengahkan bakat, kemahiran serta pengetahuan dalam acara yang mereka sertai.

Selain Pertandingan Pidato, turut diadakan Pertandingan Bercerita, Pertandingan Syair dan Pertandingan Deklamasi Sajak .

Sementara itu, Guru Besar SJK(C) Chi Wen, Encik Julius Voo Jiunn Jye melahirkan rasa bangga di atas pencapaian adik Mac Frederon Feridlee yang telah mengharumkan nama sekolah.

Beliau juga mengucapkan terima kasih kepada ibu bapa, guru pengiring Cikgu Mohd Farik Madun dan pihak Jabatan Pendidikan WP Labuan yang memberi sokongan terhadap murid ini sehingga berjaya.

Sumber Berita : Mohd Farik Madun

Kem SMART 3M LINUS2.0 Pemulihan Khas 2017



Labuan – Kem SMART 3M LINUS2.0 Pemulihan Khas Peringkat Wilayah Persekutuan Labuan Tahun 2017 telah diadakan pada 9 Oktober 2017 bertempat di Pusat Kokurikulum Negeri, Kampung ganggarak, W.P. Labuan.

Kem yang bermula seawal jam 7.00 pagi ini melibatkan 86 orang murid Pemulihan Khas dari semua sekolah rendah di W.P. Labuan.

Kem Smart 3M ini merupakan program yang pertama kali dilaksanakan di peringkat negeri, di mana sebelum ini dikenali sebagai Kem Serlah Minda Pemulihan Khas yang dilaksanakan di peringkat kebangsaan.

Kem ini bermatlamat memberi peluang kepada murid-murid Pemulihan Khas menonjolkan potensi diri mereka dalam aktiviti berbentuk gabungan kokurikulum dan kurikulum.

Selain itu, kem ini juga bertujuan untuk memberi peluang kepada murid Pemulihan Khas mempertingkatkan penguasaan kemahiran bahasa dan mengira.



Encik Raisin Saidin (belakang, tengah), Puan Maimoon (kanan) dan Encik Ghaffar(kiri) bersama peserta Kem SMART 3M LINUS2.0 Pemulihan Khas

Dalam ucapan perasmian penutupan yang disempurnakan oleh Encik Raisin Saidin, Pengarah Jabatan Pendidikan WP. Labuan, menyokong pelaksanaan kem ini kerana aktiviti yang dilaksanakan membantu dalam menggalakkan pembinaan bahan inovasi dan rekacipta di kalangan guru Pemulihan Khas di Wilayah Persekutuan Labuan.

Beliau juga berpesan agar tiada murid yang tertinggal dalam proses pembelajaran terutama murid-murid Pemulihan Khas.

Kehadiran dan penglibatan ibu bapa murid-murid dalam sebarang aktiviti Pemulihan Khas begitu bermakna. Saya terharu dengan sikap dan keprihatinan ibu bapa ini yang sentiasa memberi harapan kepada anak-anak mereka. Aktiviti dalam kumpulan kem ini juga menyemarakkan elemen2 4C dalam pembelajaran abad ke 21, katanya.

Beliau juga mengucapkan tahniah kepada sektor peneraju Sektor Pengurusan Sekolah dan Sektor Pengurusan Akademik

dan komitmen guru-guru Pemulihan Khas dari 17 buah sekolah rendah di labuan yang telah menjayakan kem yang julung kali diadakan.

Terima kasih juga kepada Guru Besar semua sekolah yg telah memastikan kehadiran murid-murid sekolah masing-masing.

Turut hadir pada majlis perasmian penutupan, Puan Maimoon Hj Matnoh, Ketua Sektor Pengurusan Sekolah, Encik Mohamed Al Ghaffar Mohamed Maidin, Ketua Unit Pusat Kokurikulum Negeri, Pegawai-Pegawai FasiLINUS dan wakil-wakil Guru Besar Sekolah Rendah Wilayah Persekutuan Labuan.



Encik Raisin Saidin (tengah) bersama Puan Maimoon mencuba stesen Jom Mengail Perkataan

Sumber Berita : Puan Maznah Embran

Murid 10 tahun kutip emas bagi ‘2nd Malaysia Open International Taekwondo Championship 2017’



11 Oktober 2017 / Labuan – Mohammad Mainiezam Bin Maswandie, murid 10 tahun yang bersekolah di SK Tanjung Aru telah mengharumkan nama Labuan dengan memenangi pingat emas dalam 2nd Malaysia Open International Taekwondo Championship 2017 pada 6 hingga 8 Oktober yang bertempat di Stadium Badminton Cheras, Kuala Lumpur baru-baru ini.

Murid ini juga telah memenangi tempat ketiga dalam Kejohanan Seni Bela Diri Taekwondo Sekolah-Sekolah Labuan yang diadakan di Dewan Majlis Perbandaran Labuan pada 23

September 2017. Dengan kemenangan ini, murid ini meneruskan perjuangannya dengan menyertai 2nd Malaysia Open International Championship 2017. Berbekalkan semangat yang diberikan oleh pihak sekolah dan Jabatan Pendidikan Wilayah Persekutuan Labuan, Mohammad Mainiezam seterusnya meneruskan matlamatnya untuk beraksi cemerlang di peringkat kebangsaan.



Tuan Pengarah Pendidikan Raisin Saidin bersama Guru Besar SK Tanjung Aru Puan Murni Jaafar menyampaikan sijil penyertaan.

Seramai 600 peserta yang terdiri daripada pelbagai pasukan dalam negara Malaysia dan luar negara seperti Indonesia, Singapura, Kemboja, Brunei, India, Pakistan, Syria, Iran dan Uzbekistan mengikuti pertandingan ini. Kesemua peserta yang terlibat memberikan saingan yang sengit dalam setiap kategori yang dipertandingkan. Namun begitu, hal ini tidak meruntuhkan semangat murid 10 tahun

ini dan setelah bertanding selama 3 hari, murid ini membuktikan bahawa dirinya dapat mengatasi semua cabaran dalam kategori ‘Kyorugi’ Lelaki 8-10 tahun (Junior Middle Weight) dengan memastikan pingat emas berada dalam genggamannya dengan menewaskan peserta dari negara Indonesia.

Pertandingan ini dirasmikan pada 7 Oktober 2017 oleh Tn. Hj. Mohd. Rashid Bin Mean (Ketua Penolong Pengarah) selaku wakil kepada Pengarah Bahagian Ko-Kurikulum & Kesenian , Kementerian Pendidikan Malaysia. Ucapan setinggi-tinggi tahniah juga diberikan kepada murid ini daripada Pengarah Pendidikan Jabatan Pendidikan Wilayah Persekutuan Labuan, Tuan Raisin Bin Saidin dalam ucapan beliau semasa perhimpunan bulanan sesi Oktober 2017.



Guru Besar SK Tanjung Aru, Puan Murni Jaafar menyambut ketibaan adik Mohammad Mainiezam di Lapangan Terbang Labuan

Sumber berita : Kartika John

Karnival Prasekolah Swasta 2017



Labuan, 10 Oktober – Buat julung kalinya, Karnival Prasekolah Swasta 2017 Peringkat Negeri Labuan dengan matlamat utamanya untuk memberikan peluang meningkatkan dan melahirkan kanak-kanak yang berpotensi dari pelbagai aspek perkembangan serta pembelajaran melalui pendedahan secara aktif dalam aktiviti yang menyeronokkan.

Karnival ini juga bertujuan memastikan 100% Prasekolah Swasta di Wilayah Persekutuan mempunyai permit pendaftaran yang sah berdaftar dengan Jabatan Pendidikan WP Labuan (JPWPL).

Program anjuran Unit Pendidikan Swasta, Sektor Pengurusan Sekolah, JPWPL dengan kerjasama Sekolah Antarabangsa Labuan dan Tadika-tadika Swasta telah berlangsung di Ruang Legar Anggerik Kompleks Ujana Kewangan pada 8 Oktober yang lalu.



YB Datuk Rozman (tengah) bersama Encik Raisin dan peserta karnival

Bersandarkan tema, “Anakku Genius, Permata Hatiku”, tadika-tadika telah menunjukkan bakat yang ada pada setiap kanak-kanak yang berumur 4+ dan 5+ dalam pelbagai acara seperti bercerita dan membaca lancar dalam Bahasa Inggeris, Bahasa Malaysia, Choral Speaking, tarian tradisional dan moden.

Selain itu, booth pameran 14 buah tadika yang berdaftar di bawah Kementerian Pendidikan Malaysia juga disediakan untuk ibu bapa mengenali dan memilih tadika yang

bersesuaian dengan kemahuan dan keperluan masing-masing.

Karnival ini telah dirasmikan oleh YB Yb Datuk Rozman Bin Datuk Hj Isli, Ahli Parlimen WP Labuan, yang turut dihadiri oleh Encik Raisin Saidin, Pengarah Pendidikan WP Labuan dan Puan Maimoon binti Hj Matnoh, Ketua Sektor Pengurusan Sekolah JPWPL dan barisan pengelola-pengelola tadika swasta.



Sumber Berita : Zaliha Mohd Salleh

SMK Labuan Tubuhkan Task Force Sekolah Hotspot



Labuan 9 Oktober – Hasil daripada Mesyuarat Permuafakatan SMK Labuan Bersama Agensi Kerajaan dan NGO pada 5 Oktober 2017 lalu, telah bersepakat untuk menujuhkan Task Force Sekolah Hotspot yang dianggotai bersama Rakan Strategik Sekolah.

Task Force Sekolah Hotspot terdiri daripada Polis Diraja Malaysia (PDRM), Agensi Anti Dadah Kebangsaan (AADK), Jabatan Kesihatan WP Labuan, Persatuan Ibu Bapa Guru (PIBG) dan Ketua Kampung Gersik Saguking.

Berdasarkan kenyataan akhbar Kementerian Pendidikan Malaysia (KPM), Sekolah Hotspot bermaksud sekolah yang berada dalam kawasan atau tempat yang berisiko.

Jelasnya kawasan-kawasan yang sering berlaku gejala-gejala tidak sihat seperti jenayah atau seumpamanya. Ini bermakna sekolah yang berada dalam kawasan hotspot bukan bermakna sekolah tersebut secara semulajadinya (in nature) menjadi punca kepada permasalahan murid.

Oleh kerana latar belakang permasalahan ini adalah pelbagai, maka KPM telah bersetuju agar ianya dapat

ditangani bersama oleh pelbagai pihak termasuk PIBG dan kepimpinan masyarakat setempat bagi membantu pihak sekolah dalam usaha mengekang permasalahan disiplin di sekolah.

Salah satu inisiatif utama yang telah dipersetujui bersama adalah inisiatif NBOS, iaitu melaksanakan program pencegahan secara bersama dengan agensi-agensi dan NGO tersebut.



Dari kiri : Osman Kadir (Ketua Kampung Gersik Saguking), Ismail Abdullah (Pengetua), Hj Md Yusof Hj Chuchu (YDP PIBG)

Antara persefahaman yang dicapai dalam mesyuarat tersebut ialah PDRM akan membantu dari segi memberi ceramah dan pameran berkaitan isu disiplin, jenayah dan narkotik termasuk mengadakan rondaan bersama jabatan dan agensi lain ke lokasi-lokasi yang dikenalpasti.

Sehubungan dengan itu, PDRM memerlukan bantuan maklumat daripada pihak kepimpinan kampung dan agensi-agensi lain termasuk NGO.

AADK pula akan memberi khidmat nasihat dalam bentuk

ceramah dan pameran AADK, selain melaksanakan ujian urin jika ada permintaan serta berkerjasama dengan pihak sekolah menyampaikan mesej anti dadah secara berterusan.

Jabatan kesihatan akan berkerjasama dengan Unit Pendidikan Kesihatan Sekolah dalam memberi perkhidmatan kesihatan kepada murid-murid termasuk klinik berhenti merokok.

Unit Inspektorat dan Perundangan melalui Unit Sub Risikan boleh memberi bimbingan dan nasihat kepada murid-murid yang terlibat merokok, juga boleh menguatkuasakan kompaun atas kesalahan merokok. Unit Kelab Doktor Muda pula menggerakkan rakan sebaya berkaitan masalah remaja, mempengaruhi rakan-rakan supaya tidak terjebak dalam masalah disiplin.

Program kesedaran kampung dengan mengadakan kerjasama bersepadu dengan jabatan, agensi, NGO serta pihak SMK Labuan melibatkan murid-murid dan ibu bapa akan dibantu oleh Ketua Kampung dan PIBG.

Pihak sekolah sangat menghargai sumbangan idea yang diberikan oleh agensi kerajaan dan NGO . Harapan agar SMK Labuan terhindar daripada masalah disiplin dan risiko-risiko lain. Semuanya boleh dicapai dengan kerjasama semua pihak secara berterusan.

Murid-murid SMK Labuan tidak tergugat dengan status sekolah hotspot dan terus berusaha mencapai kejayaan . Sebagai buktinya dalam bulan September SMK Labuan telah mencapai 3 kejayaan di peringkat kebangsaan iaitu :

1. The Most Dedicated School Award Level Up @ School
2. The Best Project of My Digital Maker Computer Club Award
3. Peserta Perempuan Terbaik Program Pendidikan Luar Peringkat Kebangsaan (Noor Azizah binti Abd Aziz)

Rakan Strategik Sekolah juga bersifat dinamik, keahliannya akan berubah dan bertambah mengikut keperluan semasa. Beberapa pihak yang akan dilibatkan seperti Jabatan Pendidikan WP Labuan, Perbadanan Labuan, Jabatan Kebajikan Masyarakat dan agensi / NGO lain yang akan difikirkan dari semasa ke semasa.

Sumber Berita : SMK Labuan

Karnival Kimia Malaysia (K2M) 2017 Peringkat Negeri Sabah dan Labuan



Labuan, 9 Oktober – Buat julung kalinya, Karnival Kimia (K2M) 2017 Peringkat Negeri Sabah dan Labuan telah diadakan di Wilayah Persekutuan Labuan dengan matlamat utamanya untuk memberikan pendedahan tentang Kimia dalam kehidupan seharian.

Program anjuran Institut Kimia Malaysia Cawangan Sabah dan W.P. Labuan, dengan kerjasama Jabatan Pendidikan W.P. Labuan dan Perbadanan Labuan telah berlangsung di Dewan Kolej Matrikulasi Labuan pada 7 Oktober yang lalu.

Bersandarkan tema, “*Sustainability & Diversity through Chemistry*”, K2M akan menghubungkaitkan kimia dengan beberapa aspek kehidupan seperti makanan dan pemakanan, air dan tenaga, persekitaran dan perubahan iklim.

Pelbagai program dan aktiviti telah dilaksanakan, untuk mencapai empat matlamat utama iaitu meningkatkan kesedaran orang awam terhadap keupayaan bidang kimia dalam memenuhi keperluan dunia, menggalakkan minat bidang

kimia di kalangan generasi muda, menjana kegairahan demi kreativiti masa hadapan untuk bidang kimia dan meraikan pencapaian Marie Curie dan sumbangan wanita dalam bidang kimia.

Karnival ini telah dirasmikan oleh YB Senator Datuk Hj Bashir Alias yang turut dihadiri oleh Dr. Jenny Lee, Pengurus Institut Kimia Malaysia, Cawangan Sabah, Tuan Haji Rithuan Hj Mohd Ismail, Timbalan Ketua Pegawai Eksekutif (Perbandaran) , Perbadanan Labuan dan Puan Norismah Ab Moin, Ketua Sektor Pengurusan Akademik JPWPL.



Pelajar-pelajar yang menyertai Karnival Kimia 2017

Karnival Pendidikan Bijak

Dan Bakat Prasekolah Peringkat W.P. Labuan 2017



Labuan, 5 Oktober – Karnival Pendidikan Bijak Dan Bakat Prasekolah Peringkat W.P. Labuan tahun 2017 telah diadakan pada 2-5 Oktober 2017 dan bertempat di Dewan SK Layang-Layangan. Majlis penutupan telah disempurnakan oleh Tuan Raisin bin Saidin, Pengarah Pendidikan Wilayah Persekutuan Labuan.

Dalam ucapan beliau telah menyatakan bahawa :

"Prasekolah merupakan asas pendidikan yang paling penting sebelum mereka memulakan pendidikan rendah tahun satu. Berdasarkan kajian yang dijalankan oleh Research Organisation Evaluation OECD (2011) terdapat kaitan antara pendidikan prasekolah dengan pendapatan isi rumah dan keberhasilan lain yang membawa manfaat sepanjang hayat. Justeru kerana itu dalam Pelan

Pembangunan Pendidikan Malaysia (2013-2025) amat menekankan peningkatan enrolmen dan kualiti prasekolah secara serentak. Ini bagi memastikan murid-murid yang berada di tahun 1 semuanya pernah melalui pendidikan prasekolah sama ada prasekolah yang dikelolakan oleh Kementerian Pendidikan Malaysia mahupun diusahakan oleh pihak swasta."



Puan Diah Mohd Yussof (kiri) Ketua Unit Prasekolah bergambar kenangan bersama Ketua Sektor Pengurusan Sekolah Puan Maimoon binti Matnoh

Berikut adalah antara keputusan pertandingan sempena karnival tersebut :

Pemenang Lego:

1. SK Layang Layangan
2. SK Sungai Bedaun
3. SK Bebuloh

Pemenang Hafazan:

Lelaki:

- 1.SK Pantai
- 2.SK Membedai
- 3.SK Bukit Kalam

Perempuan:

- 1.SK Pekan Satu
- 2.SK Patau Patau
- 3.SK Sungai Lada

Keputusan membina perkataan dalam bahasa melayu

- 1.SK Pekan Dua
- 2.SK Kerupang
- 3.SK Lubok Temiang

Pemenang Nyanyian Solo

1. Ayla Syuhada Binti Joe Hellmy(SKK Rancha Rancha)
- 2 Nur Nashwa Alyaa bt Muhammas Ameran (SK Tanjung Aru)
3. Nurfasha arianna bt abu bakar (SK Pantai)



SMK Pantai IBWS Johan Memasak Kebangsaan



Labuan, 3 Oktober – SMK Pantai IBWS menjadi Johan Memasak Peringkat Kebangsaan Anjuran Bersama Nestle Bhd dan Kementerian Pendidikan Malaysia yang berlangsung di Kota Bahru, Kelantan pada 2 Oktober 2017 dan meraih hadiah wang tunai berjumlah RM3,000.00, Sijil dan Tropi selain hadiah iringan.

SMK Pantai seterusnya akan mewakili Malaysia dalam Pertandingan Kulinari di Indonesia pada 26-28 November 2017.

Ini adalah kejuaraan kali kedua diraih oleh SMK Pantai, setelah menjuarainya untuk kali pertama pada Tahun 2012 di Kuching, Sarawak.

SMK Pantai diwakili oleh adik Evania Liew Hui Chen, Siti Zurida Mohd Affendi Male dan Fazira Rundang dengan diiringi oleh dua orang guru iaitu Cikgu Amisah Martin dan juga Cikgu Nor Rozilawati Moktar serta seorang Pegawai Jabatan Pendidikan Labuan Encik Asmawi Hj Ahmad.

Dalam pertandingan tersebut, kumpulan ini telah menyediakan sajian lazat Warisan Tiga Rasa Serangkai iaitu ubi kepal, pais ikan dan kerabu jantung

pucuk ubi. Apa yang paling menarik, bagaimana mereka menggunakan setiap bahagian pokok ubi kayu secara kreatif, bermula bahagian ubi sehingga ke pucuk dalam hidangan itu.

Pengetua SMK Pantai ib World School, Sahar Misron melahirkan rasa gembira atas kejayaan tersebut dan mengucapkan terima kasih kepada seluruh warga sekolah, dan warga Labuan yang mendoakan kejayaan sekolah ini dan mengundi melalui media sosial facebook.

Kejayaan ini berkat sokongan semua pihak berbekalkan ungkapan keramat " SMK Pantai IBWS Menjulang Nama dan Sorakan 123" juga slogan "Kemenjadian dan kecemerlangan murid Labuan bermula di sini" dan "Labuan Hebat: Guru Sayang Muridnya"

Semoga kejayaan ini menjadi pembakar semangat untuk meraih Johan Antarabangsa di Indonesia kelak.

LICER 2017 Platform Kongsi Pembelajaran Lebih Berinovasi



LABUAN, 2 Okt – Labuan International Conference On Educational Research (LICER) 2017 merupakan platform terbaik bagi guru-guru khususnya di Labuan berkongsi pengalaman mengajar serta membentangkan kertas kerja mereka khususnya bentuk pembelajaran yang lebih inovatif dan kreatif yang diamalkan pada abad ke-21 ini.

Menurut Pengarah Jabatan Pendidikan Wilayah Persekutuan Labuan, Encik Raisin Saidin, LICER telah mengundang pembentang-pembentang kertas kerja yang berpengalaman khususnya tentang cara pembelajaran yang lebih inovatif dari Thailand, Korea Selatan, Brunei serta Vietnam yang boleh dikongsi dan dipraktikkan oleh guru-guru di sini.

“LICER ini diharap mampu mencungkil kebolehan tenaga pengajar dalam menghasilkan kertas kerja dan kajian yang memberi impak yang berkesan kepada para pelajar dalam suasana pembelajaran abad ke-21 yang lebih kreatif dan berinovasi.



Encik Raisin Saidin “Hasil kajian yang berjaya telah dipraktikkan di sekolah masing-masing yang akan dibentangkan pada LICER kali ini bagi tujuan perkongsian ilmu serta membentuk jaringan Datuk Sulaiman (dua darikomunikasi yang baik antara kiri) ketika ditemui peserta dan para pembentang kertas kerja”, ujar Encik Raisin Saidin lagi semasa Majlis Perasmian LICER 2017 tersebut di sini, petang semalam.

Sementara itu, Timbalan Ketua Pengarah Pelajaran Malaysia (Dasar dan Pembangunan), Datuk Sulaiman Wak berkata kementeriannya amat mengalakkan para pengajar sentiasa berfikir di luar kotak dalam menghasilkan budaya pembelajaran yang lebih kreatif serta menggalakkan budaya pembelajaran inovasi dalam kelas.

Datuk Sulaiman memuji Jabatan Pendidikan Labuan yang meneruskan kesinambungan dalam menganjurkan LICER 2017 ini yang pada masa yang sama dapat menjadikan pulau bebas cukai tersebut sebagai “Hub Education Research” kementeriannya di negara ini.

Seramai 88 orang pembentang kertas kerja serta 108 peserta dari seluruh negara yang menyertai LICER kali ini yang bertemakan “To Encourage Innovation and Promote A Research Society in 21st Century”.

Sumber Berita : [Uda Bayas, 29 September 2017](#)